

**Dis de preparaziun al maridé:** le fin dal edema, sabeda ai 7 y domegna ai 8 d'aorí, vegnel motü a jí i dis de preparaziun al maridé tal Zënter dla Jonëza y Cultura SaJ.un a La Ila. Le curs metará man la sabeda ales 9:00 y se röará la domegna ales 16:00. Le cost é de € 150,00 a per (curs + 2 iadi marena). Le curs sará por ladin a denfora dla pert dla dr. Gaia Mureda, co sará por talian y todesch. Al pó tó pert alplü 18 per. I referenc sará Lois Kastlunger (coordinadú), Christian Pedevilla (avocat), Gaia Mureda (efom y consulenta) y signor Tone Fiung (preo y assistent spiritual dles families). Iscriziun te Sorvisc ai Jogn cina la jöbia, ai 29 de merz, ☎ 0474 523070.

**Sorvisc ai Jogn:** le SaJ chir jogn y jones co á ligreza da laoré con mituns y mitans desco animadus/esses por "Isté deboriada 2018" (an mess avei arjunt la majera eté!). Por enformaziuns preitambel cherdé sö, ☎ 0474 523070 (lönesc - jöbia, dales 8:00 ales 12:00 y dales 13:00 ales 17:00) o scrí a manuela@jogn.org. Termo por dé jö les domandes é le 9 de forá 2018.

**Zenter Families Mareo:** en lönesc ai 29 de iener junse a tomp de löna con i schi da fondo o a pe. I plü gaierc peia ia d'Al Plan, Pespesc, ales 18:30, i atri ales 19:00 da Fodara Masaron. Al se aspeta na bona pasta por les 20:00 - 20:15 tal Rifugio Pederü. Gnide trec! Preitambel se prenoté anter i 28 de iener pa Luca, ☎ 338 6690440.

**Comun de Mareo:** por chi co á ma sac dal ciomont y nia n contegnidú, ven i sac eniann partís fora por dötalann. Porchel é düc der bel enviés da passé te Comun, dai 29 de jená ai 9 de forá, dertan les ores d'ofize (lönesc, dedolönesc, jöbia y vendres dales 9:00 ales 12:00 y dedemesaledma dales 08:00 ales 12:00) a tó i sac por l'ann 2018. Al é ince la poscibilité da i prenoté pa Margareth Rubatscher, ☎ 0474 503755 o por e-mail margareth.rubatscher@comun.mareo.bz.it

**Non basta ascoltare un insegnamento religioso  
o imparare una dottrina;  
quello che vogliamo è vivere come Gesù ha vissuto.**

*Papa Francesco, 17.01.2018*

**Döt le bun a:** Paola Rigo Vigg, *Rina* \* 01.02.1933  
Franz Trebo \* 01.02.1943  
y a düc chi co á santennom y compless i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina le dedemesaledma sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastorala.org



Plata dla Ploania  
**La Pli de Mareo**  
Santa Maria dal Bun Consei

Ploan: Signor Heinrich Perathoner  
E-mail: ploania@gmx.net

Calogna Al Plan: 0474 501006  
Radio de Ploania: 93,00 MhZ

UNITÉ PASTORALA



Ann B

28.01.2018 - 4. domegna ia por l'ann

n. 9

## Al é loé sö n gran profet danter nos; Dio s'an n'á tut sora de so popul.

📖 Deut 18, 15–20 | 1 Cor 7, 32–35 | Mc 1, 21–28

### Dal Vangelo do San Merch:

<sup>21</sup>A Cafárnaum ea Gejú jü le de de sábat tla sinagoga y â motü man da ensigné. <sup>22</sup>Y la jont se fajea demorveia de so ensegnamont; deach'al ti ensigné desco önn co á autorité, y no desco i studiés dla lege. <sup>23</sup>Te söa sinagoga êl sonté n el co ea empossessé da n spirit impur. Chel á motü man da scraié: <sup>24</sup>Ci anse pa nos da fá con te, Gejú da Názaret? Este gnü a nes paré tla roina? I sa chë che tö es: le Sant de Dio. <sup>25</sup>Danló l'á Gejú comané: Scuta y láscele! <sup>26</sup>Le spirit impur, stracenn chel el ia y ca, l'á lascé con n der scraiamont. <sup>27</sup>Danló s'á düc spordü, y ai se damaná önn l'ater: Ci é pa cösc? N ensegnamont nö, encündé con autorité! Cinamai i spiric impurs ti olga a so comane. <sup>28</sup>Y so ennom se slariá fora debota te döt le raiun dla Galilea.

### Oraziun dal de

*Periun! Signur, nosc Dio, te nes as cherié por to lalt: fa ch'i t'onorunse con döt le cör y ch'i ti orunse bun ala jont desco tö i ôs bun. Por nosc Signur Gejú Crist, to Fi, co é Dio y vir y regneia con te t'unité dal Spirit Sant por düc i secui dai secui. – Amen.*

(Lezionar B)



📖 Letöres dla 5. domegna ia por l'ann:

lob 7, 1–4.6–7 | 1 Cor 9, 16–19,22–23 | Mc 1, 29–39

Edema liturgica dai 28.01. ai 04.02.2018

<b>DOM 28.</b>	<b>4. domegna ia por l'ann</b> <b>FESTA de Sant'Ujöp da Oies</b> <b>domegna dai mass-media</b>	<i>Tomesc d'Aquino, Carlo le Gran, Carolina</i>
<b>08:30</b> 10:00	<b>gran messa</b> ciantada en onú de Sant Ojep da Oies por dōta la ploania ♪ <i>Ciantadus</i> <i>oferta por i debojügn dla ploania</i> s.m. a Al Plan	
<b>Lön 29.</b> →	<b>Sant Ujöp Frëinademetz</b> , Valerio, Gerhard 16:00 y 20:00 a Oies, s.m. en onú de Sant Ujöp Frëinademetz	
<b>Ded 30.</b> <b>07:30</b>	<i>Martina, Serena</i> <b>s.m.</b> por † Maria Ellecosta ved. Erardi, Longega <b>s.m.</b> por † Matia Astner, Ciasanea	
<b>Dem 31.</b> 18:00	<i>Giovanni Bosco, Scebio</i> s.m. a Al Plan	
<b>Jöb 01.</b> → <b>19:30</b>	<i>Brigitte, Giovanna - de d'oraziun do vocaziuns</i> <b>signor ploan va a proveder</b> <b>s.m.</b> por † Berto Ellecosta, Longega <b>s.m.</b> por †† Ellecosta, La Costa dessora	
<b>Ven 02.</b>	<b>FESTA DLA PRESENTAZIUN DAL SIGNUR TAL TEMPL</b> <i>Santa Maria dles cianderes, dal poch, (patrozinio)</i> <i>De dla vita consacrada</i> <i>Dietrich, Stefan, Alfred</i>	
→ <b>08:30</b>	<b>benedisciun dles cianderes</b> te dljia, <b>s.m.</b> de ringraziamont en onú de Santa Maria da Bun Consei	
→ <b>19:30</b>	<b>s.m.</b> por †† Zita y Ida Clara, Porsenú <b>s.m.</b> por fam. Brandlechner, Sotru, <b>benedisciun de San Blaje</b>	
<b>Sab 03.</b> 18:00 <b>19:30</b>	<i>Sabeda de Santa Maria   Blaje, Ansgar, Oskar, Simeon y Hannah</i> <i>s.m. prefestia a Al Plan</i> <b>s.m. prefestia</b> d'aniversar por † Jep Rigo, Rara <b>s.m.</b> d'aniversar por † Lois Pedevilla, Soröa <b>s.m.</b> por † Sr. Cruzifixa Delleg, <b>benedisciun de San Blaje</b>	
<b>DOM 04.</b>	<b>5. domegna ia por l'ann</b> <b>De dla vita</b>	<i>Rabanus Maurus, Agata, Veronika</i>
<b>08:30</b>	<b>gran messa</b> por dōta la ploania y devoziun a Santa Maria <i>oferta por i debojügn dla ploania</i>	
→ <b>14:00</b>	<b>funziun de ringraziamont dla vita y benedisciun dai pici mituns</b>	
<i>ampola:</i>	por fam. Brandlechner, Sotru	
<i>ministronc:</i>	▶ da doman y domegna: Nadia Trebo y Sabine Trebo ▶ da sera y domegna: <i>Stefan Taibon y Samuel Rigo</i>	
<i>i recordun:</i>	Lois Pedevilla + 29.01.2009 Jep Rigo, Rara + 30.01.2017 Berto Ellecosta + 01.02.2015	



Döt en n'ater baié (Mc 1, 21–28)

**I ponsi do**

*Gejú met man söa misciun,  
al ensegna y spliga ala jont la  
Parora de Dio. La söa n'é nia  
na leziun assöta, da stüfé y öta,  
mo ara é plena de verité,  
enteressanta y dandadöt a öna  
con la vita che el condüj y ví  
dant.  
Al ne basta nia "sei" les cösses  
co á da fá con la fede, emparé  
adamonz le oraziuns y conesce  
les porsones dla Bibia ...  
Ci co cunta é la testimonianza,  
co met man tla vita da vignedé.*

**I preii ensciö**

Da stüfé!  
Poa, Gejú, al é tan de porsones da stüfé  
sön cösc monn. Al é chi co baia trep y ne  
dij nia. Chi co mina da sei döt, ma ei.  
Zerti discursc tla televijiun ne pói gnanca  
plü aldi! Y a scora ne soporti gnanca  
dagnora vigne maester. No pa te dessené  
sc'i te diji ch'al n'é ince de chi co fej fora  
da stüfé to vangelo. I le san che töa  
parora pó afasciné, envié da fá empara,  
müdé le cör y la vita. Tü discursc  
endespra morveia y amiraziun. Fá ch'i  
tolunse sö y testemoniunse dagnora döt  
ci co é y ci co é nō te to vangelo.

*Walter Cazzaniga, Parola amica – Il Vangelo della domenica per ragazzi*



**Oraziun a Sant Ujöp Frëinademetz**

Dio, nosc Pere tal ci, te i as scinché a Sant Ujöp Frëinademetz na fede via y n cör  
plen d'amur; ensciö ál lascé söa patria por jí y se dediché ales misciuns tla Cina.

I te periun: dásse por söa interzesciun ci ch'i adorun por nosta vita y stravédesse  
da ci co pó ester de prigo por l'anima y le corp. Deidesse da confidé deplen te to  
amur y da emparé da conesce y da fá deplen töa orenté.

Sant Ujöp Frëinademetz, i te periun do töa interzesciun te nüsc fistidi y te nostes  
crusc. Te sas ci co nes stá por le momont a cör, porchel te periunse do to aiüt.  
Preiesse decá dantadöt na fede via y la forza da la vire tal amur a Chelbeldio y ala  
jont encer nos ia. Amen.



**Festa dla prejentaziun dal Signur**



*Benedisciun dles cianderes*

Periun! Dio tö fontana y gauja de döt le lominus, en cösc  
de ti aste manifesté a Scimun te sü vedli dis Crist desco  
löm a ilominé i pagans.

Benedesc + les cianderes ch'i tignun te nostes mans y ch'i  
empiun a to lalt. Condüjesse sön le tru dla fede y dal amur  
adancuntra a che löm co ne se destöda nia.

Do cösc te periunse por Crist, nosc Signur. – Amen.